



# Informe-memoria de xestión

## da Coordinadora de Traballadores/as de Normalización da Lingua (CTNL) no período interasemblar 2025-2026

Na Asemblea Xeral Ordinaria da Coordinadora de Traballadores/as de Normalización da Lingua (CTNL) de 2025, que tivo lugar o 15 de marzo en Santiago de Compostela, aprobáronse por unanimidade as [liñas de acción da asociación para o período interasemblar 2025-2026](#).

O plan de acción aprobado **non se cumpriu na súa totalidade**; foi necesario dar prioridade ás accións máis asentadas ou con certa urxencia. Desenvolvéronse accións de **xestión cotiá da asociación** (defensa de intereses dos/das traballadores/as de normalización da lingua e información sobre convocatorias) e as que supuñan continuidade dos anos anteriores (formación, LGx15, Agasallo e Premios Mil Primaveras). Finalizouse a sexta edición dos **Premios Mil Primaveras a proxectos de posta en valor e fomento do galego** e convocouse a sétima. E organizamos a undécima edición do **LGx15**, no Teatro Principal de Santiago de Compostela.

Foi un ano intenso de seguimento do PXNL e colaboración coa plataforma Queremos Galego, da que formamos parte, no proceso Lingua Vital.

Houbo outras **actividades** que quedaron **pendentes**: a elaboración do Manual actualizado de xestión administrativa para servizos de normalización lingüística de administracións públicas galegas, que está no momento da súa revisión.

En definitiva, desenvolveuse unha actividade de continuidade, dentro das posibilidades e dos recursos materiais e humanos, para procurar mellorar o traballo a prol da lingua e a formación e as condicións das traballadoras e traballadores.

## Accións para o cumprimento dos fins da asociación

**1. Defender os intereses xerais dos traballadores e das traballadoras de normalización lingüística de Galiza e a dignidade das condicións de traballo dos servizos lingüísticos.** As accións máis salientables que se desenvolveron nesta área foron as seguintes:

- Difundíronse no web, a través do boletín e nas redes sociais, as **convocatorias de prazas** de técnico/a de normalización lingüística ou similares que se publicaron durante o ano (xefatura de NL do Concello de Vigo, Val de Dubra, A Baña, Cangas, Salceda de Caselas, a Deputación da Coruña, outra de técnico/a medio/a



de tradución na Deputación Provincial de Pontevedra e na Deputación de Ourense...), así como as **convocatorias de subvencións** para a creación, mantemento e reforzo de SNL (deputacións da Coruña e Pontevedra e Xunta de Galicia).

- Presentación dun escrito ao Concello de Vigo, o día 07 de maio de 2025, para solicitarlle que cubra as dúas prazas de técnico/a de normalización lingüística que figuran na súa relación de postos de traballo. Non recibimos resposta. A final de ano sacaron unha comisión de servizos que aínda non se resolveu.
- Fíxose **seguimento das axudas convocadas polas deputacións provinciais e a Xunta en materia de normalización lingüística:**
  - As [axudas da Deputación da Coruña](#) convocáronse o 14 de outubro de 2025,
  - As [axudas da Deputación de Pontevedra](#) convocáronse en marzo de 2025 e resolvéronse en xullo. As do ano 2026 saíron publicadas o día 05 de febreiro para SNL e o 17 de febreiro para actividades de dinamización.
  - As [axudas da Xunta](#) convocáronse o 04 de marzo de 2025 e [resolvéronse](#) en xuño. Seguen a conceder axudas a concellos e agrupamentos de concellos que non teñen SNL. As do ano 2025 están pendentes de publicación.

## 2. Promover a formación continua no eido da normalización lingüística

Nas liñas de acción aprobadas figuraba a realización dalgún curso organizado directamente pola CTNL. Escolleuse un curso titulado

- [Da idea á forma. Obradoiro de deseño e presentación de proxectos de normalización lingüística](#)
  - Datas: 7 e 13 de outubro de 2025
  - Duración total: 12 horas
  - Lugar: Facultade de Filoloxía da Universidade de Santiago de Compostela
  - Participación: 18 alumnas/os
  - Docente: **Nel Vidal Barral**, docente e impulsor de diversos proxectos de normalización lingüística.
  - Valoración: esta actividade formativa foi ben valorada polo alumnado.
  - Colaboraron: a Secretaría Xeral de Política Lingüística no financiamento e a Facultade de Filoloxía da Universidade de Santiago de Compostela na cesión da aula. Validación da Secretaría Xeral de Lingua.
- Proposta de repetición do curso

### 3. **Propostas para facer máis efectivo o traballo a prol da normalización da lingua e colaboración en accións para o fomento do galego:**

Participación no proceso Lingua Vital da Plataforma Queremos Galego: asemblea aberta na Praza da Quintana, manifestacións e grupos de traballo para achegar unha alternativa ao PXNL nos que aínda estamos

### 4. **Accións de promoción da lingua e de transmisión de ideas:**

- **LGx15. Ideas para o futuro da lingua (<https://lgx15.gal/>)**

Experiencias, argumentos, opinións, propostas, palabras, reflexións... Ideas!

A décima edición do LGx15 volveu a Santiago de Compostela, nesta ocasión no Teatro Principal coa colaboración do Concello. Tivo lugar o **25 de outubro de 2025** e a **difusión dos vídeos** realizouse en xaneiro de **2026**.

Houbo **cinco intervencións**, sete persoas participantes, para transmitir, a través de cadansúa charla, ideas e reflexións para influír no uso e prestixio do galego e/ou nas actitudes e comportamentos lingüísticos.

- Participantes do LGx15 de 2024: Carlos Callón, Maria Maroño, Miguel López, Mariña Lema, Artur Trillo e Fátima Pego. Conduciu o acto Cinta Adhesiva.

No financiamento deste proxecto, coma noutras edicións, colaborou a **Secretaría Xeral de Política Lingüística** grazas ao convenio anual que asinamos coa Consellería de Cultura, Educación, Formación Profesional e Universidades. O **Concello de Santiago de Compostela** colaborou coa cesión do Teatro Principal. E, novamente, contou tamén con **colaboración privada** de **Deleite** que asumiu o pagamento da presentadora e mais da promoción do acto por parte da youtubeira Konachadas.

- **Agasallo. Propostas de regalos en galego**

O proxecto Agasallo, que compila e difunde propostas de regalos en galego de todo tipo, para todos os gustos e idades, continuou durante todo este ano nas redes sociais [Facebook](#), [Twitter](#), [Instagram](#) e en [Bluesky](#).

- **Premios Mil Primaveras a proxectos de posta en valor e fomento do galego (<https://milprimaveras.gal/>): finalización da sexta edición e convocatoria da sétima**

En 2025 resolveuse a quinta edición dos [Premios Mil Primaveras a proxectos de posta en valor e fomento do galego](#), e convocouse a sexta. Estes premios creáronse coa finalidade de **valorar, recoñecer e difundir accións, campañas, programas e proxectos que teñen como obxectivo principal o fomento da lingua e a procura do incremento do seu uso e/ou prestixio**. Os obxectivos dos Premios Mil Primaveras son:



- Recoñecer o traballo ben feito no ámbito da normalización lingüística.
- Transmitir unha imaxe positiva do labor de promoción do uso e prestixio da lingua.
- Valorar externamente accións, proxectos ou campañas, seleccionar as mellores e sinalalas como modelos que poden ser imitados.
- Difundir o traballo que se realiza a prol da lingua galega.

Os proxectos premiados na sexta edición foron os seguintes:

### ● **Brazolinda**

É un proxecto de deseño e fabricación de xogos de mesa en galego que naceu en 2014. É unha iniciativa empresarial coa lingua galega como cerna, que se creou co obxectivo de ofrecer, tanto ao profesorado como ás familias, material didáctico en galego que axude a normalizar o uso da lingua no tempo de ocio e de aprendizaxe.

### ● **Galego para peques**

É un proxecto audiovisual nacido en 2023 para estender o uso do galego na infancia proporcionando recursos para educadores e familias. Pon o foco no período de adquisición da lingua e na necesidade de materiais para xogar e aprender en galego e co galego.

### ● **Modo galego, actíva!**

É un proxecto de investigación-acción desenvolvido de xeito colaborativo pola Real Academia Galega e o Concello de Ames. Botou a andar en 2021 e busca dinamizar a lingua galega traballando asemade diferentes ámbitos: a educación, o lecer e as familias. É un programa exportable a outros lugares que combina a intervención e a avaliación, o que permite que poida evolucionar de acordo cos resultados obtidos.

### ● **Vitamina G**

É un proxecto desenvolvido no CEIP Sagrada Familia da Coruña que emprega a lingua galega como factor de cohesión e integración social, nun contexto cunha alta porcentaxe de nenos e nenas de orixe migrante. Consegue unha grande implicación do alumnado, que crea os contidos mentres aprende, investiga e traballa a oralidade.

O [acto de entrega](#) dos V Premios Mil Primaveras tivo lugar no Salón de Actos do Pazo da Cultura de Pontevedra o 7 de xuño de 2025, grazas á colaboración do Concello de Pontevedra. O acto conduciuno Atenea García, mostrándonos a

riqueza e a vitalidade da lingua, con contos tradicionais e historias de vida recollidas a mulleres e homes, actuación sufragada ao abeiro do programa Pontegal da Deputación Provincial de Pontevedra.

En outubro abriuse a convocatoria da sexta edición destes premios, á cal se presentaron un total de 24 proxectos. Nestes momentos o xurado está constituído e valorando as candidaturas.

En todas as edicións deste premio **colaborou a Deputación Provincial de Pontevedra** a través dunha liña de axudas dirixida a asociacións para desenvolver proxectos de dinamización lingüística.

### ● Outras accións

Continuamos coa [proposta #veránlingua](#) a través da nosa [conta de Twitter/X](#). Esta acción naceu no verán de 2022 e busca aproveitar o tempo estival para deternos con máis vagar en recursos, publicacións, campañas, vídeos, ferramentas, xogos... de interese para as persoas que traballamos en lingua. Baixo o **cancelo #veránlingua** podemos acceder á escolma das dúas edicións en X e tamén está presente nas *stories* destacadas da conta do Instagram.

## ESPAZOS DE COLABORACIÓN E ENCONTROS

### ● Colabórouse cos [XXVII Encontros para a normalización lingüística. Lingua en acción: pasado e presente dos equipos e servizos de normalización lingüística](#)

- Lugar e datas: A sesión presencial tivo lugar no Pazo de Raxoi, o 21 de outubro consistiu en catro mesas de debate e unha actuación das
- Organizou: Centro de Documentación Sociolingüística de Galicia (CDSG) do Consello da Cultura Galega
- Colaborou: Secretaría Xeral de Política Lingüística
- Conclusións

Presentación do documento de traballo: [Análise da situación dos SNL da Administración pública galega e dos EDLG dos centros de ensino.](#)

### ● Participación na mesa redonda no marco do encontro do ILG **ECOS. Coñecemento que resoa**, o 4 de decembro no Paraninfo da Universidade.

## Accións organizativas e de comunicación

---

- Renovouse o seguro de responsabilidade civil e cambiamos de aseguradora para reducir custos.
- Nas comisións e plataformas de que forma parte a CTNL fixéronse propostas en positivo na procura de conseguir que sexan o máis plurais e representativas posible, e que a través delas se dea voz, participación e protagonismo a persoas



e entidades varias e de distinto ámbito e perfil a prol da normalización lingüística. Nestes momentos a CTNL forma parte de:

- Comisión Técnica do Centro de Documentación Sociolingüística de Galicia (CDSG)
  - Consello Municipal da Lingua do Concello de Vigo (froito da fusión entre o Consello Social da Lingua e a Comisión Cidadá de Normalización Lingüística, da cal formaba parte a CTNL). Esta entidade non se reuniu durante o ano 2025.
  - Plataforma Queremos Galego. Reactiváronse as reunións froito dos resultados revelados polo Instituto Galego de Estatística de descenso do uso e coñecemento da lingua galega así como o do Informe do Consello de Europa.
  - Foro Social do Instituto da Lingua Galega constituído o día 2 de xullo de 2024. De momento só houbo esta reunión onde coñecemos as persoas que forman parte do Foro e, moi por riba, as funcións deste.
- Mantívose contacto permanente con diversas entidades e colectivos para o intercambio de visións, ideas, propostas etc.
  - Renovouse o convenio de colaboración coa SXPL para o desenvolvemento de accións normalizadoras, que este ano incluíu o LGx15 e a realización dun curso.
  - Solicitouse unha axuda á Deputación Provincial de Pontevedra para a finalización da sexta edición dos Premios Mil Primaveras e para a convocatoria da sétima.
  - Con respecto á **comunicación e visibilidade** da asociación:
    - **Webs:** mantívose actualizado o [web da CTNL](#), onde se anunciaron convocatorias de prazas e axudas, campañas, formación etc.
    - **Boletín electrónico:** para mandar o boletín emprégase a **plataforma en liña MailChimp**, que permite o envío a un número grande de enderezos electrónicos e mesmo facer un seguimento das mensaxes abertas, que non chegan aos enderezos de destino, etc. Durante o período interasamblear enviáronse aproximadamente 29 boletíns. Este ano, o 15 de maio, chegamos aos 500 números do boletín novas da Ctnl
    - Mantívose algunha presenza da CTNL en **medios**, principalmente nos medios dixitais en galego (*Nós Diario, Nós Televisión, Galicia Confidencial, GCiencia, Código Cero, Xornal da Coruña...*), que recolleron algunha da información que se lles trasladou sobre accións e campañas.
    - Participación no podcast Longalingua de A Mesa para falarmos do traballo que desenvolve a CTNL e explicarmos a nosa valoración sobre os datos de coñecemento e uso do galego que fixo públicos o IGE en outubro do pasado ano (saíu en abril).
    - Continuou a presenza con melloras nas **redes sociais**, tanto a través das páxinas e perfís propios da CTNL (Facebook, Twitter, Instagram, YouTube e a nova incorporación de Bluesky) como das específicas de accións e campañas concretas.
    - Algunhas cifras das redes sociais (actualizadas o 27 de febreiro de 2026):
      - Seguidores/as FB CTNL: 5325 seguidores/as
      - Seguidores/as Twitter CTNL: 5151 seguidores/as
      - Seguidores/as Bluesky CTNL: 168 seguidores/as
      - Subscritores/as YouTube da CTNL: 1980 subscritores/as



- Seguidores/as Instagram CTNL: 1077 seguidores/as
- Seguidores/as FB LGx15: 2917 seguidores/as
- Seguidores/as FB Agasallo: 6607 seguidores/as
- Seguidores/as Twitter Agasallo: 2697 seguidores/as
- Seguidores/as Bluesky Agasallo: 72 seguidores/as
- Seguidores/as Instagram Agasallo: 1004 seguidores/as